

**De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm || Martii Et Aprilis

**Surius, Laurentius**

**Coloniae Agrippinae, 1576-**

**VD16 S 10259**

De S. Guidone confessore.

---

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

silentium, & per operum philosophiam, vt, sicut scriptum est, abscederet quærentium occasiones, vñq; ad certum tempus tacere instituit, mellifluumq; doctrinæ fluuium compescere: satius esse & melius existimans, hoc interim detimento affici studiosos bonorum amatores, quibus fortasè per silentium amplius profuturus erat, quæ ingratis illos iudices amplius iritari, nè vñterius eorū malitia & malevolentia excreceret. Quocirca & illi reuerit humilitatem ac modestiam viri, consciq; quod sibi eiusmodi virtutis fontem obturauerant, quantiq; detrimenti omnibus extiterat, ad virum supplices adueniunt, doctrinæq; sermonem communī voto cum alijs exposcent. Cessit igitur statim, vt qui contradicere non nōrat, & denū prioris statūs arripuit normam.

Creatur  
Abbas.

Cum igitur ita bonus omnibus excelleret, vt similis inueniri non posset, vno simul oēs voto, vnoq; affectu tanquam nouum quandam Moysem inuitū illum ad fratrum magisterium & regimen assumpserunt, lucernam (vt ita dixerim) super principatus candelabrum eleuantes, optimi fanē talium iudices: nec spe sua frustrati sunt. Ascendit enim & ipse ad montem, sacratamq; caliginē subiens, Dei manibus cōscriptam legem suscepit, Dei q; contemplatione fruens, & intellectualibus gradibus scandens, verbo Dei aperuit os suum, & spiritum attrahens, eructauit verbum bonum de bono thesauro cordis sui.

Sic igitur impleuit finem visibilis vite in principatu Israëlitarum monachorū, in hoc solūm a Moysi differens, quod supremam Hierusalem summa facilitate cōscendit. Ille enim, nescio quo modo, etiā terrena frustratus est. Attestantur autem his, quæ diximus, quotquot per eum spiritus sancti eloquij & gratia potiti sunt, plurimiq; ex his eius gratia saluati sunt, hodieq; saluantur. Testis optimus sapientis huius salutis simulq; sapientiae nouus David. Testis item & pastor noster optimus Iohannes, à quo magnus ille exoratus, de Sinai monte ad nos vñq; animæ cognitione descendens, velut in nouis aliquis Dei speculator, suas à Deo tabulas inscriptas ostendit nobis: extrinsecus quidem adiuvæ vita, intrinsecus vero contemplatiæ doctrinam continentis.

VITA S. GVIDONIS CONFESSORIS, CVVS OSSA HODIE QVE INTER SE COHAERENTIA CERNUNTur Spiræ, quo translata sunt ab Henrico III. Anno Christi 1047. Habetur hæc Vita in vetusto exemplari MS. ab eius quodam æquali, vt appareat, scripta: sed in gratiam Lectoris stylum mutauit F. Laur. Surius, & nonnihil contraxit. Sub finem quædam desunt in exemplari. Addimus paucula ex Breuiario Spirensi.

31. Martij.  
quo die de-  
cessit: fed  
festum cele-  
bratur 28.  
Aprilis.



Ræclaram beatissimi Guidonis cōscripturi vitā, primò eius parentes & patriam, post virtutes oratione qualicunq; explicate conabimur, eius freti adiutorio, in cuius laudem id fuscipimus. Patrem igitur habuit Albertū, matrē Martiam, patriam Rauennam, in cuius villa suburbana, quæ Casamariensis dicitur, natus est. Parētes eius fuere genere nobiles, religione Christiani ac Deo deuoti. Rauennæ adhuc puer literarum studijs deditus fuit. Adolescens animo seculari, & vestibus comptus, nec à mundi pompis prorsus alienus, iam videbatur abiturus præceptis in vitiorum gurgites, mundo cum illiciente, & sua cupiditate inescare atque implicare nitente: sed benignissimi creatoris gratia ab hoc præcipito poteret crepus est. Itaque sancti spiritus accensus igne, & cælestibus ardens desiderijs, cœpit mundanis negotijs nuncium remittere, terrena desideria calcare, horrere quicquid blanditur carni, cælestis patriæ dulcedini inhiare.

Etsi autem summoperè cupiebat ponere secularem habitum, quandò tamen non ignorabat parentes id nulla ratione latores, animo id apud se celabat. Cumque parentes cum vellent inire coniugiū, ille vero anxius cuperet suum explore votum, aliquando patrī suo ita dixit: Duas ego mihi conciliaui sponsas, quarum altera insigni est potentia & nobilitate: altera longè hac inferior & opibus & prosapia: sed me tamen impensè diligit, & ego iam totus in eius labor amorem, nisi tu pater aliam commodiorem indices. Prior illa generositate & potestate sublimis absque multo labore & difficultate obtinerinon potest, ad eamque mihi valde arduus atque difficilis patet accessus.

cessus. Vtram ergo vis, mi pater, vt sponsam mihi asciscam? Parens vero gratulabundus, Agè, inquit, fili charissime, nulla te vel pericula vel fastigia segnem efficiant, nulli alterius amores eneruent vel degenerem prodant, nulla quantunq; ampla dos à nobilissimae & potentis sponsa thalamo retardet. Sume animum, & quanta maxima potes virtute contendere, vt tam illustris sponsa fruaris contubernio. Turpe est enim, ob labores non diuturni temporis tantam rebus tuis optimè consulendi, & ad tantam pertinendi felicitatem negligere occasionem.

His & id genus alijs sermonibus pater exhortabatur filium, putans eum adspicere ad nuptias sponsæ mortalis. Sed o adorandam Christi virtutem, que cum semper sit admirabilis, at tamen in hoc nostri temporis beato viro eximiè prædicanda videtur. Nam tamerisi ob singularem virginitatis aliarumque virtutum prærogatiua non sit æquiparandus beatissimo Ioanni Euangelista: at tamen propter eius eximiā sanctitatem, alterum Ioannem, si fas est dici, quodammodo eum appellare possumus. Parentis enim sui sermones animo affixis suis, viresque sibi, ut is hortatus erat, assūmens, ignobilem illam sponsam, cuius se aniore penè abruptum fatebatur, & verbis & factis cœpit fassidire ac respuere, atque ad præclaram illustris illius ac præpotentis sponsæ copulam ardentissimo animi studio adspirare. Ignobilis atque vilem, caducam & imbecillam sponsam intelligi voluit, vt rē vera est, mundi gloriam & fugaces voluptates: potentissimam vero atque nobilissimam, caelestem sapientiam & disciplinam, religionisque diuinæ exercitationem: cuius tanto flagrabat desiderio, vt extra illam nihil ei adulberetur, præter eam nihil in hoc mundo sibi exceptendum putaret. Itaque, vt pater admonuerat, breuis vitæ huius labores paruipendens, oblectamenta pro nihilo ducens, dura omnia pro molibus, aspera pro lauibus, aduersa pro secundis habuit.

Sciens autem dixisse Dominum I E S V M, Qui non renunciat omnibus, quæ posse Lūc. 14. fidei, non potest meus esse discipulus: quadam nocte celeberrimæ apud Rauennates beati Apollinaris martyris solennitatis, preciosis se vestibus exuens, & pauperibus eas clavigens, vilissima se ueste induit, & inscijs parentibus è patria proficiens, Romam vili habitu iter intedit. Vbi cùm in Clerum cooptatus esset, statuit ire Hierosolymam, nec unquam in Româ, & redire ad suos. Interea vero diuina est reuelatione admonitus, vt Rauennam repetens, subdat se Martini eremita magisterio. Is Martinus tanta fuit abstinentia & religionis, vt penè toti Italia non mediocri esset venerationi. Fecit ergo, vt erat iussus, venit ad Martinum venerabilem eremitam, aperit ei desiderium suum, accipitur ab illo sanè peramanter, & post sua via sanctæ exhortationis verba ait ad eum vir Dei alacri, vt semper erat, vultu: Vis ne, fili charissime, monachi uestem accipere? Tum ille: Id vero semper mihi, inquit, in votis fuit: simulque orabat, vt ocyus ea ueste indueretur. timebat enim, nè parentes repertum ipsum abducerent, & mundi huius illecebris ruris ferire compellerent. Sed vir sanctus voluit eam rem in craftinum differri, vt interim plūs deliberaret.

Cernens ille retardari desiderium suum, cùm esset feruenti spiritu, ipfus sibi culum induit, & postridie manè sic uestitum exhibet se viro Dei. Seiscitante illo, cur id fecisset, respondit se flammam pectoris sui ferre nullo paecto potuisse. In eo autem feroore semper permanxit, & illi venerabili viro, quoad vixit, totum se in omnibus subdidit: vixitque cum illo tribus annis solitariè in insula, quam Padus fluens, & adharet Martino eremita. Pomposianum autem monasterium, tum quidem pauperium, volente sic Imperatore, curæ huius Martini erat demandatum, interim tam regulariter ei domino Guilelmo præsidente: sed quo maior illic terrenarum facultatum erat inopia, tanto amplior religionis & diuini cultus copia visebatur. Voluit autem vir Domini Martinus beatum Guidonem in illo commorari monasterio, vt plenius disceret monastica discipline & religionis instituta & perfectione. Quam vero accuratè & absolutè ea didicerit, si quis nosse velit, poterit haud difficulter, si se ad illic conferat monasterium, cui postea ipse præfectus fuit. Eius autem coenobij fratres eti; ceu simplicem & vili amictum ueste eum irridebant, at coniiciebant tamen fore, vt quandoque apud ipsos Abbatis munere fungeretur. Vir enim reuerendus Guilelmus Varijs functiones in monasterio Pomposiano.

Per id tempus dominus Guilelmus in eremum secessit, alium suo loco fratribus

Pomposianis Abbatem præficiens. Ioannes Angelus is dicebatur, vir simplex & rectus, miraque abstinentia. Sed eo defuncto, atque ad Angelorum translatu confortium, quanvis multū renitens, & se indignum clamitans, Abbas Pomposie institutus est Guido beatissimus, cogente eum domino Martino, cui iampridem in omnibus parere constituerat: nec tamen vlo modo sarcinam illam sibi imponi passus est, donè ab eodem viro Dei Martino id impetrasset, vt quandoquè licet etiam relicta Abbatia, deponere. Porro autem & parens eius, cuius suprà meminimus, & frater, Gerardus nomine, ad eum venerunt, & sub eo, contemptu seculo, religiosè & strenue Christo militarunt, atq; feli citer suas animas Domino reddiderunt. Cum autem præclarè monasterium illud ab eo gubernaretur, & monachorum incresceret numerus, aliud coepit, quod hodieque permanet, condere econobium. In quo sanè quæ per illum & sub illo patrata sint, atq; etiam perpetrentur miracula, orationis nostræ tenuitas explicare satis non porcet: sed tamen diuina freti ope, simplici stylo pauca ex multis annotabimus.

*Abbas constituitur.*

*Multa eius miracula.*

*Insigne miraculum.*

*Aliud.*

*Defunctus reuiuiscit.*

*Rursus post triduum de uit inpace.*

*Item allius frater.*

*Psal. 61.  
Rom. 13.  
Ierem. 17.*

Cum iam structura huius monasterij fieret, fratribus aliquando in muro laborantibus, crates supra modum grauatæ petrarum congerie, accedente etiam mali dæmonis inuidia, absente patre Guidone deciderunt. Simul autem lapsi fratres quidam, nihil mali passi sunt, nonnulli verò penduli haerentur non sine magno discrimine. Quod vbi resciuit venerabilis pater, cito adiuit, & suis illos precibus deposituit illæsos. Alio tempore eidem muro impositum vas ligneum vino plenum, quo operarij vteretur, casu in terram corruit, & tamen neque contra factum fuit vas, neque vinum effusum.

Sub eadem structura magna aliquando victris inopia premebat operarios: sed beato Guidone Dominum obnoxie deprecante, & ab eo opem & copiam illis promittere: cum iam nihil esset, quo postero die refici possent, omnes aduersus illum murmurare, eiique plus satis molesti esse coeperunt. Ferebat id ille patienter, & simul de ratione comparanda alimonias cogitabat. Itaque Rauennam ea causa proficisciens, non longè à monasterio incidit in duas naues plenas vino & frumento, diuinatus ei preparatas. Tum ille summa Trinitati gratias agens, latus rediit, & fratres diu sustentauit, admonens nè deinceps diffiderent. Frater quidam idiota, Martinus nomine, apud quandam defunctus est ecclesiam, quæ intra illius insulæ syluam sita erat, à memorato coenobio plus octo milliarijs distans. Adductus autem ad monasterium, post perfoluta ex more defunctorum officia, post Missarum completa solennia, vita redditus, instanter petiit acciri sanctum patrem Guidonem. Aduenit ille, accuratè perquirit, & non absque tremore petit, vt exponat si quid viderit. At ille, Vidi, inquit, loca coenarum fane terribilia, & in ijs multos propinquos meos, mihiique notos. Cum autem tremebundus aspicerem, quidam mihi apparuit formosissimus vir, stola candida induitus, miram in capite ferens tiaram, & altera manu virgin, altera ceufauum mellis retinet. Porrigens verò mihi fauum, iussit vt comedetur. Renuente me præ timore, rursus inbet vt comedam securus, nihil reformidans. Percunctanti autem mihi, quis es, ait se Michaëlem esse Archangelum, missumque vt me consolaretur. Tum ego valere in timore, totum comedi fauum. Deinde iussit me redire ad corpus, & triduo duntaxat hic permanere. Eo autem triduo dixit idem frater palatum suum illius fau gustu affici. Post triduum, percepta beati Guidonis benedictione, iterum obdormiuit in pace.

Eodem tempore alius frater, qui Bertholdus dicebatur, cum propinquus morti tardè admodum animam efflaret, conscientiæque stimulis pungeretur, benignitate Dei & precibus sancti Guidonis sibi redditus est. Rogantibus autem fratribus, quid sub ijs tam diuturnis mortis angoribus vidisset: Vidi, ait, dæmones aduersi me sequentes, & peccatum quoddam mihi obijcentes. Cum enim in seculo degrem, non nisi vnam didici incantationem, qua vsus fui, sed ea iam planè etiam ex animo exciderat. Hanc solam illi mihi procaces spiritus horrendum in modum obicerunt: sed virtute Christi, atque orationibus sanctissimi patris Guidonis, vestrisque profligati, tristes abscesserunt. Deinde accepta poenitentia, in pace perpetua illico quieuit.

Postquam autem illud, quod diximus, monasterium sanctis studijs & exercitijs florere coepit, multisque opibus abundare, monebat vir sanctus subditos suos blandè ac comiter, suarumque eos virtutum informabat exemplis. Proponebat illud ex Propheta, Diuitia si affluent, nolite cor apponere: & illud Apostolicum: Carram carnis nè feceritis in desiderijs: itemque ex Ieremia, vt diem hominis non con-

concupiscerent. Aiebat eum diem hominis concupiscere, cuius animus carnis oblectamentis inhicit: qui ventris ingluviem immodico cibo ac potionē perpetim expletat, atque estu libidinis abruptus, fædas sui corporis seculter voluptates. Audiebant hæc eius monita fratres, & suis animis affigebant. Erant sanè apud illos ieiunia multa & mirabiles abstinentiae, multa psalmodiarum & vigilarum instantia, haud vulgaris humilitas & patientia, insignis charitas & mutua reuerentia atque obedientia, singularis alio-  
rum erga alios benevolentia, magnum silentium studium, magna in loquendo grauitas, eximia puritas cordis: atque ut re ipsa declararent, se non surda aure accepisse patris Guidonis adhortationem, nè cor diuinitis apponere, licet illis esset summa diuersorum pescium copia, tum eius iussa, tum sua sponte atque voluntate non nisi tribus tantum diebus hebdomadis singulis sibi pescium esum permisum esse debere statuerunt. Quod quidem absente pâtre Guidone cùm die quodam non obseruassent, Prioris indulgen-  
tia conniuente, diuinitus sic multati sunt. Erat tum illis magnus porcorum grex. is ad dies quindecim adeò perditus fuit, vt nulla eū ratione reperire possent. Senfit vir Deo plenus ob aliquam culpam id accidisse. Quam vbi facta inquisitione cognouit, non mediocri satisfactione eam voluit expiari. Ac deinde sine viro duce totus ille grex confessim domum reuersus est.

Frater quidam religiosus, Sergius, templi custos lampades purgans, stabat in alto tripode. Excidit autem lampas una ex manibus eius in paumentum, & fracta est penitus. Territus ille, collegit fragmenta, & ante altaris crepidinem condens ea, festinus abiit ad patrem Guidonem, vt mulæta ab eo propter daminum illatum ipsi irrogaretur. Quod cum factum esset, illico rediit ad altare, & lampadem sanam atque integrum inuenit. Quadam Palmarum nocte lampas ab excelsô loco, putâ ab ipsis templi trabibus decedit, & tamen neque illa confracta fuit, neque oleum effusum. Neque id semel tan-  
tum accidit, sed tertio eadem lampas idem passa, illæta adhuc permanet.

Heribertus Rauennas Archiepiscopus tanto aliquando furore in virum Dei commotus fuit, vt Pomposianum cenobium armata manu destruere meditaretur. Id vbi perlatum est ad hominem Dei, cum omnibus monachis in preces feruenter incubuit: omnesque lanceis positis vestibus, asperrimis & cilicinis induiti sunt, imitati prophetam, qui ait: Ego autem cùm mihi molesti essent, induabar cilicio. Tres autem dies Psal. 34.  
& noctes continenter sic vestiti, calceis quoquè abiectis, solo pane hordeaceo & aqua contenti, quotidie sua sponte acriter in domo capitulari virginis cædebantur, nec villa vel in templo, vel in refectorio sede alia, quam humo vtebantur. Non immemor autem Deus suauissima illius promissionis sua, Inuoca mein die tribulationis: eru-  
am te, & honorificabis me: tali visione eos consolatus est. Apparuit cuidam ex eis be-  
atisima mater Dei & virgo perpetua, virginum stipata agmine, blandoque vultu hor-  
tata est eum, nè timeret: monuitque vt in ceptis permanerent, certi se exauditum  
iri: addidit etiam, donèc triduanum eiusmodi seruarent ieiunium, à nullo neque  
visibili neque inuisibili hoste monasterium ipsorum superatum iri. Expergefactus il-  
le, postquam tempus adfuit, quo loqui liceret, omnia hæc Patri Guidoni & fratribus enarravit. Veram autem fuisse visionem, pax redditâ comprobauit. Cùm enim Ar-  
chiepiscopus eo, quo diximus, animo venisset ad monasterium, fratresque omnes,  
licet non ignari quid vellet, obuiam ei cum timore procederent, atque suo more  
honorificentissime illum in ecclesiam perduxissent, ille humi prostratus, vt Deo pre-  
offerret, diuinitus adeò compunctus est, vt surgens, perfusus ora lachrymis, ani-  
mo placidum & vultu blandum atque affabilem se illis exhiberet, perpetuamque  
cum illis iungeret amicitiam, & beato Guidoni deinceps quoâd vixit humanissimum  
se præstaret.

*Hic defunt reliqua in MS. codice: quæ sequuntur, ex Breuiario  
Spirensi adiecimus.*

**I**ntra ea verò, quæ per ipsum Deus in vita operatus est miracula, quosdam in coe- Miracula S.  
nobij sui renouatione, per cohærentiam lignorum ruinam minantium in pericu- Guidonis.  
lo mortis constitutos liberavit. Alios quartanis febribus laborantes, per pota-  
tam manus sue lotionem curauit. Posteaquam igitur annis duodequinquaginta  
Pomposium cum laude gubernasset, iturus obuiam Imperatoris legationi, in ipso iti-  
nere apud Parmam feliciter expirauit pridiè Calendas Aprilis, anno salutis millesi- Obitus eius.  
mo quadragesimo sexto. Cùm autem Parmenses venerabile corpus è manibus fratru-

Virtutes fra-  
trii, sub Ab-  
bate Guido-  
ne degener-  
tium.

Læpas fra-  
cta diuini-  
tus redint-  
gratur.

Vide effe-  
ctum pre-  
sum, ieiuni-  
orum &c.

## APRILIS.

462

vi abstulissent, superueniens Imperator Henricus, eius nominis tertius, sacratissimas exuuias humiliter veneratus, primò fecit eas Veronam in sancti Zenonis ecclesiam reponi: deindè circa annum Domini millesimum quadragesimum septimum de Verona Spiram transferri in ecclesiam collegiatam, quæ tunc à patrō suo primo, diuo Ioanne Apostolo & Euangelista nomen habuit: nunc verò ob sacratissimarum præsentiam reliquiarum sancti Guidonis appellatioē obtinuit: vt quemadmodū Conradus Imperator, eius nominis secundus, pro fundamēto iaciendo in primi lapidis collocatione felix eidem ecclesiæ dedit initium, ità per filium eius Henricum tertium, à venerandis eiusmodi reliquijs, manu sua præsentatis, non indignum sumeret post tantam immutationem cognomentum: Ad laudem Dei in secula benedictum, Amen.

FINIS MARTII MENSIS.

# APRILIS.

MARTYRIVM SANCTARVM AGAPES, CHIONIAE, ET IRENES, QVAE APVD THESSALONICAM  
passæ sunt, autore Simeone Metaphraſte.



**I.** Aprilis, vt hæc certatur historia, quātum ad Irēnē attinet, Latina Martyrologia 3. & 5. Aprilis has martyres habent.

**I.** Thessal. 1.  
& 4.

Gen. 12.

March. 10.

1. Tit. 1.

Psal. 50.

Iohan. 14.

Vaſto ex aduentu & præsentia Domini & Saluatoris nostri Iesu Christi maior gratia in humanum genus collata est, quam olim fuerat, tanto & sanctorum hominum victoria maior extitit. Pro his enim hostibus, qui corporeis oculis cernuntur, hostes illi superariam coepi sunt, qui oculorum sensu percipi non possunt. Nam dæmones ipsi, quorum natura spectabiles non sunt, vel à purissimis atque honestissimis foeminiſ, Spiritu sancto plenis, superati igni traduntur. Tales fuerunt tres illæ sanctæ mulieres, quæ ex urbe Thessalonica originem ducebant: quam urbem sapientissimus Paulus celebravit, cum eius fidem & charitatem laudans, sic ait: In omni loco fides vestra in Deum perugata est. Atque alibi: De charitate, inquit, fraternitatis non necesse habuimus scribere vobis: ipsi enim vos à Deo didicistis, vt diligatis inuicem.

Cum igitur persecutio à Maximiano Imperatore aduersus Christianos illata esset, mulieres illæ, quæ virtutibus seipſas ornauerant, Euangelicis legibus obedientes, propter summam in Deum charitatem & cœlestium bonorum spem, patrisque Abraham factum imitantes, patriam, cognationem facultatesque omnes reliquerunt, ac persecutores fugiendo, quemadmodū Christus præcepit, altum quandam montem petierunt, ibique diuinis precibus operam dabant: & corpus quidem ipsum ad montis cœlitatem contulerunt, eorum vero animus in cœlo ipso versabatur. Cum autem in eo loco fuissent compræhensæ, ad cum, qui persecutionis author erat, Magistratum dætae sunt, vt reliqua diuina præcepta exequentes, & ad mortem usque suam in Christum charitatem seruantes, immortalitatis coronam assequerentur. Vna quidem è tribulis præcepti perfectionem possidens, & Deum ex toro animo diligens, & proximum sicut seipſam, sancto Apostolo dicente: Finis præcepti est charitas: merito Agape vocabatur. Hoc enim nomine Græci charitatem appellant. Altera purum ac splendidum baptismatis nitorem seruans, ita ut de ipsa propheticum illud dici posset: Lauabis me, & super niuem dealbabor: à niue nomen accepit: Chionia enim dicebatur. Tertia Saluatoris & Dei nostri donum, hoc est, pacem in se habens, & in omnes exercens, quemadmodū Dominus dixit: Pacem meā do vobis: Irene ab omnibus vocabatur, a pace nomē accipiens. Has tres foeminas cum ad se duetas, & ita affectas Magistratus vidisset, vt dijs sacrificia offerre nollent, igne cremandas esse decreuit, vt per ignem exigui temporis, igni subiectos diabolum omnemque dæmonū cateruam, ipsius diaboli exercitum,